


Naupangte' Laisiangtho

Pulakna



A Etlawm
Pasian Tenna
Vantunggam



A Gelh: Edward Hughes
A Lim lak: Lazarus
A Kaikhawm: Sarah S.
A Let: S. Thangboi Hatlangh
A Hawmkhia: Bible for Children
www.M1914.org

BFC
PO Box 3
Winnipeg, MB R3C 2G1
Canada

©2013 Bible for Children, Inc.
Phalna: Hih tangthubu zuaksawn ding ahih kei buang
leh teisawn leh khetkhiat kiphah hi.




Jesu leitungah a hong vak lai-in a nungzuite kiangah
vantunggam thu a hilh hi. Vantunggam pen, "Ka Pa
Inn hi," ci-in inn hoih pipi hua
lai-ah a om lam a gen hi.

I leitung innte sangin
vantung innte
golzawin, zong
hoihzaw pek hi.



Jesu in, "Note keima kiangah na hong om theihna dingun, note' a ding mun bawlin ka va pai ding hi. Tua khit a sawt loin note a la dingin ka hong paikik ding hi," a ci hi. Jesu si-in thokik a, tu in vantung ah amah a om hi. Nungzuite muhtangpi-in vantung ah meipi in Jesu a la to hi.



Tua ni a kipanin thu-umte in Jesu' hong paikikna ding
leh ama misiangthote ama kiangah a pikik hun ding,
ama kamciamte phawkin a nei tawntung
uh hi. Jesu'n, a ki-upmawh loh
laitak, thakhat thu in ka
hong paikik ding
hi, a ci hi.



**TOPA TAWH
OMKHOPNA**




Tua bang ahih leh ama' hong paima-a thu-ummi a si
khinsate e leh, bang suak ding? Laisiangtho in
Jesu' kiangah a paisuak uh hi, na ci hi.
Pumpi tawh kikhenna in
Topa tawh omkhopna
na hizaw hi.




**TOPA TAWH
OMKHOPNA**




Laisiangtho bu tawpna - Maangmuhna in vantunggam
thupi zia na gen hi. A lamdang mahmahna khat in
bang hi hiam i cih leh, Vantunggam pen Pasion'tenna
inn a hihi. Pasion mun khempeuhah om a, ahizongin a
tokhom vantungah
a om hi.




Vantung ah vantungmi
khempeuh in Pasion a bia uh hi.
Tua mah bangin, vantunggam a
om a si khinsate in zong Pasion
a bia uh hi. Amaute in a tuam
vilvel Pasion' phatna la ngaihte
a sa uh hi.




Vantung ah hih bang late kisa hi: PHAT DINGIN
NA KILAWM HI, BANG HANG HIAM CIH LEH
KOTE NA SISAN TAWH NA
HONG TANZO A, MINAM
KHEMPEUH SUNG PANIN
KUMPI LEH SIAMPI
DINGIN
KOTE NA
HONG
BAWL HI.
(Maang. 5:9)




Vantunggam pen Laisiangtho pek tawpna lamah
"Jerusalem Thak" na kici hi. A khuapi pen gol
cihtak golin, kulh sangpi tawh a pua lam panin
ki-um a, a kulh bangte a siang pha mahmah Jasper
suangmanphate tawh
kizem hi.




Suangmanpha nam tuamtuan leh kham tawh a khuam
bulpite kizut a, te' kilkel bekin etlawm mahmah hi.
A khuapi kongpite pen pearl suang lian pha mahmah
khat tawh a kibawl a hihi.




Hih kham kongpite kikhak ngeilo hi. Pai-in va en dih ni... NUAM EI! A pualam sangin a sunglam nakpitakin etlawmzaw lai hi. A khuapi pen maan tawh a kibang kham siangtho tawh a kibawl hi a, a kongzingte zong kham vive tawh kibawl hi.




Pasian tokhom panin a siang kikkel, a etlawm
mahmah nuntakna Gunpi luangsuk hi. Hun khat lai
a Eden huan sunga a om ngei nungtakna singkungte
zong tua gun lang nih tuakah a po hi. Hih singkung
pen a pian kidang hi - singgah nam sawm leh nih nei
in, a gahte khasim in kilaih den hi. Tua nuntakna
singkung i tehte pen minam khempeuhte' damna
ding a hihi.



Vantunggam a vaksak dingin Ni leh Khate kisam lo
hi. Pasion' vangin in a lamdang mahmah khuavak
tangsak hi. Hua lai ah zan cih zong om ngei lo hi.




Vantunggam ah ganhingte natawm tuampian uh hi.
Ganhingte khempeuh zualin, mi ngai mahmah uh hi.
Tuuno leh Ngiate in lopa nekhawm uh a, a thahat
mahmah Humpinelkai nangawnin Bawngtalte bangin
buhtu a ne hi. Topa in, "ka mual siangtho tungah
kuamah khat leh khat kiliamsakin, kisu lo ding uh hi,"
a ci hi.




I et kawikawi ciangin Vantung ah na pawlkhat a om loh lamtak i phawk hi. Hehna kampaute kiza ngei lo a, kuamah in ama aituam lunggulhna nei tuam lo-in, zong kilai ngei bek

lo uh hi. Guta cih bang om lo a hih manin vantung ah tawh leh kongkhak kilhnate kizang vet lo hi.



Zuaugente, tualthatte, aisante, leh miginalo a kici
peuhmah om lo hi. Vantunggam ah mawhna nam khat
zong om lo hi.



Vatung Pasion kiangah
khituite om nawn lo hi. Khat
veivei, leitung gimnate hangin,
Pasion' mite dahin a kap uh hi.
Vantungah Pasion in i khituite
hong nulsiangsak ding hi.



Vantung ah sihna zong om nawn lo hi. Topa tawh a
tawntungin Pasion' mite om khawm ta ding hi. Hua
lai ah dahna, kahna leh gim-gentheihnate om nawn lo
hi. Cinatna, kikhenna, si-vuina cih te zong om nawn
lo hi. Mi khempeuh

Pasion tawh a
tawntungin
nuamsa
khawm
uh hi.



A hoihpha diak khat in bang hi hiam i cih leh Vantung pen Jesu Kris a um, Honpa leh Topa dinga a sang, Ama thu a zui - numei leh pasal naupangte khempeuh (mi picing te zong) a ding a hihi.

Vantunggam ah "Tuuno' Nuntakna Laibu," a kici laibu khat a om hi. Tua laibu sungah min tampitak kigelh hi.

Kuateng min kigelh,


cih na thei hiam?

Jesu a muang mi khempeuh min

kigelh hi. Nang

min zong tua lai


ah a om kha hiam?



Laisiangtho sunga Vantunggam kigenna kammal
nunungte pen sapna aw a hihi. Khasiangtho leh monu
in, "Hong pai un!" Sapna aw a za mi khempeuh hong
pai un. A dangtak mi khempeuh hong pai unla,
nuntakna tui a lunggulh mi khempeuh in a

khawnkhongin
la
taken,"

ci-in
mi a sam
uh hi.



A Etlawm Pasion Tenna Vantunggam


Pasion kammal pana a hong suak hih tangthute
a nuai a Laisiangtho

munte ah kimu thei hi

Johan A Lian 14; Korinth Nihna A Lian 5;
Maangmuhna A Lian 4, 21, 22

"Na thu gentelna in Khuavaksak hi."
Late Nambat 119:130





Beita

60

60



Hih Laisiangtho tangthu in nangma' theih ding a lunggulh, eite a hong piangsak, a lamdang i Pasion' thu gen belin nei hi.

Pasion in mawhna hia a ngaihsut na hoih lo tampi i sep lamtak a hong thei hi. Mawhna thaman in sihna hi a, ahizongin Pasion in nang hong it mahmah ahih manin, nangma' mawhna hanga singlamteh tunga sihna a thuak dingin a tapa Jesu a hong sawl hi. Sihna panin Jesu kinungtasakkik a, tu-in ama inn ahi - vantunggam ah a om hi. Na mawhna khempeuh hong kimaisak theihna dingin na lungsim khempeuh tawh Jesu um inla, na mawhnate pulak in. Tua hi leh na kiangah amah hong pai-in na sungah hong teng ding a, a tawntungin amah tawh nuam nasa khawm ding uh hi.

Hih thu pen thuman hi, ci-a na up leh Pasion kiangah hih bangin thungen in: Kong it Jesu aw, a nungta Pasion na hihi, cih ka hong um hi. Keima' mawhna hangin sihna a thuak dingin mihing khat in na hong suak a, tu in gualzo in na thokik zo hi. Tua ahih manin nuntaknathak ka neih theihna ding leh a tawntung in na kiangah ka hong om theina dingin ka sungah hong teng inla, ka mawhnate hong maisak in. Nangma' ta banga nungta ding leh a tawntung in nangma' thu ka man theihna dingin kei hong huh in. Amen.

Laisiangtho sim in la, Pasion tawh a nisimin kiho un! Johan 3:16

